



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳԼԽԱՎՈՐ ԴԱՏԱԽԱՁ
ՀՐԱՄԱՆ N° 95**

«08» 11 2022 թ.

ք. Երևան

ՃԱՌԱՅՈՂԱԿԱՆ ՔՆՆՈՒԹՅՈՒՆ ՆՃԱՆԱԿԵԼՈՒ ՄԱՍԻՆ

Ուսումնասիրելով Հայաստանի Հանրապետության դատախազության ֆինանսատնտեսական վարչության պետ Հայկ Մարտիրոսյանի 2022 թվականի հոկտեմբերի 24-ի՝ Հայաստանի Հանրապետության գլխավոր դատախազին հասցեագրված N Ն/10.1/7432-2022 գեկուցագիրը՝

Պ Ա Ր Ձ Ե Ց Ի՝

2022 թվականի օգոստոսի 23-ին գլխավոր դատախազ Արթուր Դավթյանի հանձնարարությամբ հայտարարվել է գնանշման հարցում՝ պայմանավորված ապօրինի ծագում ունեցող գույքի բռնագանձման գործերով վարչության շենքային պայմանների բարելավման անհրաժեշտությամբ: Նշված հարցման արդյունքներն ամփոփվել են 2022 թվականի սեպտեմբերի 9-ին, որից հետո էլ՝ 2022 թվականի սեպտեմբերի 30-ին կնքվել է աշխատանքների ձեռքբերման պայմանագիր: Գլխավոր դատախազ Արթուր Դավթյանի պաշտոնավարման ժամկետը լրացել է 2022 թվականի սեպտեմբերի 15-ին և նույն օրը նորընտիր գլխավոր դատախազ Աննա Վարդապետյանն ստանձնել է իր լիազորությունները:

Հաշվի առնելով «Համակարգչային ծառայություններ» հոդվածով չօգտագործված միջոցների առկայությունը՝ 2022 թվականի սեպտեմբերի 30-ին Հայաստանի Հանրապետության դատախազության ֆինանսատնտեսական վարչության պետ Հայկ Մարտիրոսյանի նախաձեռնությամբ կազմվել է 2022 թվականի բյուջեում նախահաշվի հոդվածային փոփոխության նախագիծ՝ 03.10.2022 թվականի ամսաթվով՝ առանց գլխավոր դատախազի հաստատմանը ներկայացնելու: 2022 թվականի հոկտեմբերի 3-ին Հայաստանի Հանրապետության դատախազության ֆինանսատնտեսական վարչության հաշվապահական հաշվառման բաժնի պետ-գլխավոր հաշվապահ Սուսաննա Գրիգորյանը համակարգում կատարել է փոփոխություն: 2022 թվականի հոկտեմբերի 12-ին վերը նշված հոդվածային փոփոխության նախագծում կրկին կատարվել է փոփոխություն և նախապատրաստվել նոր նախագիծ՝ առանց գլխավոր դատախազի հաստատմանը ներկայացնելու: 2022 թվականի հոկտեմբերի 18-ին կազմվել է նախահաշվի ամսաթվի փոփոխություն, որն էլ ՀՀ դատախազության գլխավոր քարտուղարի կողմից ներկայացվել է գլխավոր դատախազի հաստատմանը:

Հաշվի առնելով վերոգրյալը և ղեկավարվելով «Քաղաքացիական ծառայության մասին» ՀՀ օրենքի 22-րդ հոդվածի 1-ին մասով, «Ծառայողական քննություն անցկացնելու կարգը սահմանելու մասին» 2018 թվականի հուլիսի 19-ի N 814-Ն որոշման հավելվածի 8-րդ կետով՝

Հ Ր Ա Մ Ա Յ ՈՒ Մ Ե Մ

1. Հայաստանի Հանրապետության դատախազության ֆինանսատնտեսական վարչության պետ Հայկ Մարտիրոսյանի նկատմամբ նշանակել ծառայողական քննություն, որի իրականացման նպատակով ստեղծել աշխատանքային խումբ՝ հետևյալ կազմով՝

- 1) Հայաստանի Հանրապետության դատախազության գլխավոր քարտուղար Համայակ Նավասարդյան,
- 2) Գլխավոր դատախազի խորհրդական Մհեր Ափրիկյան (համաձայնությամբ),
- 3) Գլխավոր Դատախազի խորհրդական Տաթևիկ Սարուխանյան (համաձայնությամբ):

2. Աշխատանքային խմբին՝ պարզաբանել Հայաստանի Հանրապետության դատախազության ֆինանսատնտեսական վարչության պետ Հայկ Մարտիրոսյանի զեկուցագրում նշված հանգամանքները և ծառայողական քննության արդյունքների հիման վրա կազմված եզրակացությունը ներկայացնել ՀՀ գլխավոր դատախազին:

3. Աշխատանքային խմբին՝ ծառայողական քննությունն անցկացնել ծառայողական քննություն նշանակելու մասին իրավական ակտը ստորագրելու պահից 15 օրվա ընթացքում:



Ա. ՎԱՐԴԱԴԵՏՅԱՆ